

痢症三字訣

保嬰要旨

引痘略

溫熱條辨

孝經便讀



大字精校
陳脩園醫書全集

痢症
三

字訣

痢症三字訣

蜀天彭唐客川先生著

痢為病發秋天。古名腸癖。又名滯下。今名曰痢。以其下痢而又不爽利也。與洞瀉相別。

天淵四季皆有此症。惟秋時此病為更多。

金木沴溼熱煎。所以秋時此症更多者。蓋五行之序。由春入夏。為木生火。火熱氣主事之時也。由夏至長夏六月。為火生土。是為溼土主事之時。熱來蒸溼。合氣為暑。故六月節名小暑大暑。至立秋以後。則土來生金。溼熱當止。故其節名處暑。言暑氣自此止也。暑止則熱氣變為涼氣。而涼風至矣。溼氣變為清氣。而清肅下降矣。如此則秋金氣旺。木火自戢。中土不致受邪矣。若其人之肝木太旺。遇金來制之。而木不受制。遇鬱生火。則熱氣不退。火反尅金。金氣不得清肅。因之溼亦不化。與熱相蒸。蘊結血氣於三焦腸胃之間。釀為腐穢膠粘之汁。則成痢矣。

肝迫注故下逼。肺收攝故滯塞。人身肝主疎泄。疎者條達而上也。泄者順利而下也。木氣不疎則鬱。鬱者草木多而壅遏也。木氣太泄則暴注。暴注者泄力太過之故也。然使金不與木爭。則泄而不斂。何至滯塞哉。惟當秋金收斂之令。肺金不應受邪。故金必與木爭。木愈泄。金愈收。是以逼迫難瀉。而成其裏急後重也。

白氣腐。紅血潰。俗以白痢為寒。非也。白痢只是氣分之熱。腐化成汁。有如烈日流金。燥

